

Es Mäusla im Bramserkaller

Es war emal a kluga Maus
Dia gäht o n schöne Herbsttog aus!
Spaziert die Häuserreih entlang
Und denkt: i laß mi heut nit fang.
Sie kümmt o n Kallerlouch vorbei-
Da kumma Düftli raus vo Wei!
Sie überlegt nit lang und munter
Mecht n Sprung - hopft nei und nunter.
Lusti hopfts vo Faß zu Faß
Des mecht dan Mäusla richti Gschpaß!

Doch Bramserdüftli dia verlockn
On Spundlouch bleibt es Mäusla hockn
Voller Hochgenuß und Lust
Schnupperts ei dan Bramserduft,
Steckt sei Köpfla ümmer weiter
Nei dan großn Foß - doch leider-
Rutschts aus - und patsch - fells nei!
Nei dan großn Boß voll Wei!
Sie plätschert und schreit, dia arme Maus
Hilfe! Hilfe! o ziecht mi raus!---

Geht grad a Katz am Haus vorbei
Und hört im Kaller des Mäusegschrei,
Denkt: Hilfsbereitschaft it a Zier-
Doch des Mäusla fang i mir!
Setzt o - mit e poor große Sprüng
It seauf n Boß im Kaller din.

Dorchs Spundlouch guckts zum Mäusla nei
Hör auf hetz mit deem Jammergschrei!
I kann dir helf - segt sie na frach
Doch du mußt mir örscht wos verschprach.

I will bloß dei Lam!! -
Hast doch nix anersch zu vergam.
- Dahinn it für mi alles aus -
denkt für sich die kluga Maus-
Wenn i naus kumm it vielleicht
Doch nu a Rettungsmöglichkeit.
Sou tuet sies fest und treu versprach
Ziech mi raus - du dörfts mi fraß! -

Die Katz hengt na ihrn Schwanz bis no
Es Mäusla klammert si dro o -
Vorsichti ziechts n raus! -
Und schnaller wia die sich besinnt
Es Mäusla ihr übern Buckl springt
In en Mauerriß nei in en Eck
It es sicherschts Versteck!
Da ho~~g~~ts und springts glei rauf
Die Katz kann da nit nauf!
Miau! - tuet dia dunt aufi schrei
Geh ro! - lös dei Versprachn ei!
Hi hi hi - lachts Mäusla frach -
Im Rausch - tuet mer manches versprach! -

